

إسعي علي رزقك رزقك حيسي لك وسيبك م الكسل والنوم  
إسعي علي رزقك اللقمة لو من غير عرق دا مستحيل حتدوم  
اسعي علي رزقك يا عبده خللي تكالك علي الواحد القيوم  
ومادام تسعي علي رزقك حتلاقيه لازم لو كان في بطن الحوت  
ولا عبد يقدر يمنعه مادام رزقك ومن حقك ولا مقسوم.

\*\*\*

يا عم ياللي .: عليك تجلي

اصحي وقوللي .: إزاي حالك

...

حالك في عملك .: وف رزق جاي لك

حيصي أملك .: في قوت عيالك

...

ما دام حتشقي .: علشان ما تبقي

دايماً حتلقي .: رزقك حلاك

...

والرزق نعمه .: ولقمة طعمه

من أحلي نعمة .: لختهاك

...

وقليله كافيه .: وبنيه صافيه

من بحر عافيه .: غمستهاك

## زناتي المسحراتي

واصحي للارزاق

ووجد الخلاق

...

رمضان سماحه .: في أكبر مساحه

مليان صراحه .: وبينادي لك

...

بيقول يا جمعه .: اصحي بسرعة

علي رزقك إسعي .: إرضي بقليلك

...

زناتي داعي .: طبعه إجتماعي

ع الرزق ساعي .: من نفس جيلك

...

بيقولك إصحي .: بخطوة برحه

رزقك في لمحاه .: قوام يجي لك

...

والسعي بركة .: والرزق بركة

محتاج لحركة .: وشد حيلك

...



الرزق موجود والرك ع اللي يشد الحيل ويسعي له..  
واللي يشمر سواعده الرب دائماً يساعده ييسرله أحواله..  
والنمل لو ما خرج من حجره وسعي علي رزقه ولا لقمة تبقي له..  
واللي ما يخرج ويسعي لي رزقه أحسن له يموت م الجوع..  
واللي بيسعي علي رزقه رزقه بيسعي له وتبقي هنياله..

\*\*\*

واصحي للمجهود

ووجد المعبود

...

ع الطبلّة أنادي .: ع اللي قصادي  
وبيقول يا هادي .: والخلق سامعه

...

إصحي يا عامل .: يا بو فكر شامل  
يا بو عقل كامل .: علي رزقك إسعي

...

ودينك صيامك .: دول في إهتمامك..  
قايدين أمامك .: ميت ألف شمعه..

...

ورزقك تجاهك .: وبعون الهك..  
بيقوي جاهك .: في كل طلعه..

...

## زناتي المسحراتي

وخذ براحك .: أفرد جناحك..

أسبق صباحك .: والشمس طالعه..

...

واصحي للرزق

ووحدهم الخلاق

...

أنا اصلي عربي .: والرزق طلبي

شرقي وغربي .: بزرع ورود

...

وزناتي عناوي .: ع السعي ناوي

يبدر تقاوي .: بالخير تعود

...

وع الطبله دقه .: وف قلبي دقه

وكل م أشقي .: يخضر عود

...

ورمضان بكرمه .: رفع لي علمه

سمعت نغمه .: فوق الحدود

...

وأدان بيدن .: والا شيا معدن

وبكرة حتماً .: لزماً حعود

...



الرزق قسمه وهبه بيوهبها سبحانه لعباده إذا أمر أو شاء..  
ببرزق الطير ع الشجر والدود في قلب الحجر حتي السمك في الماء..  
واللي بيسعي ع الرزق يلاقيه في البر وفيالبحر وف كافة الأتحاء..  
لو قطاعين لرزاق واقفين في سكتك ملايين علشان يمنعوه عنك..  
لو من نصيبك يصيبك سبحانه هوه اللي رازق وباسط ومقسم الأرزاق..

\*\*\*

واصحي للأرزاق

ووحده الخلاق

